

कोई सुणलो नी समाज वाला लोग,
नशे में घणो रोग,
काया में कतरी विपदा पडे ॥

तर्ज पन्ना काळी वा अंधयारी ।

काम धंधो करे कोनी,
सिधो ठेके जाय रयो जी,
खुद रा टाबर बिलख रया जी,
धन ठेके पे लुटाय रयो जी,
अररर थारा बिलके परिवार वाला लोग,
काया मे कतरी विपदा पडे,
कोई सुणलो नी समाज वाला लोग,
नशे में घणो रोग,
काया में कतरी विपदा पडे ॥

माय बाप सु पैला वो तो,
बेटो बुढो होए गयो जी,
माँ बाप री सेवा करणी,
नशेडी बैटो भुल गयो जी,
अररर मन मे चिन्ता करे हे मा ने बाप,
बेटा बिना जग मे बाझंणी भली,
कोई सुणलो नी समाज वाला लोग,
नशे में घणो रोग,
काया में कतरी विपदा पडे ॥

नशो कर कर गुर्दा सड गिया,
बिमारी जकडन लागी रे,
कचंन जेडी काया ने भाई,
जोक दियो अग्नी माई रे,
अररर सब डौक्टर खडा किया हाथ,
नही झेले कोई हाथ,
दुनिया सु अब तो जावणो पडै,
कोई सुणलो नी समाज वाला लोग,
नशे में घणो रोग,
काया में कतरी विपदा पडे ॥

नशो नाश रो द्आर हे भाई,
छोडो नशे री प्रित ने भाई,
जो कोई भाई नशो करेला,
घर बर्बाद होवसी रे,
अररर थारा टाबर रो काई होसी हवाल,
जिवतडा बिलखता मर जासी,
कोई सुणलो नी समाज वाला लोग,
नशे में घणो रोग,
काया में कतरी विपदा पडे ॥

कोई सुणलो नी समाज वाला लोग,
नशे में घणो रोग,
काया में कतरी विपदा पडे ॥

लेखक एवं गायक
तेजाराम विजरावत
9571010249
Video Not Available.

Source: <https://www.bharattemples.com/nasha-mukti-par-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>